

中国边疆研究资料文库·边疆民族资料初编

西北及西南民族

中国边疆研究资料文库·边疆民族资料初编

西北及西南民族



苗疆風俗考

激浦嚴如煜著

九有之內殊方質俗王者之於蠻夷因其俗以治之故不勞而化成苗民獷悍輕生服食起居與內地齊民迥殊其間若永保之土蠻羅溪之花佬似苗非苗種類既分風俗亦異蓋有馴於苗者至沿邊各邑羅與苗蠻雜處而涵濡禮教非弁服鳥語者可比矣因其類而區之庶莅之者知控制之各有宜也

考苗疆邊裔傳二百亭子關起東北繞浪中江至盛華哨過長坪轉北過牛巖蘆塘至高樓哨得勝營再北至木林河溪繞乾州城鎮溪所又西北至良章營真龍營止邊疆以外者爲生苗邊疆內間有與民村相錯居住或佃耕民地供賦當差與內地人民無異則熟苗也

三廳中見諸載籍者俱概稱之曰紅苗而其中微有區別如永綏一廳統爲六里紅苗而廳西南黃瓜寨一帶廳南鴨西栗林各寨則土民皆指爲黑苗至廳北已東坪茶洞臘耳堡與保靖秀山接界又黑苗而兼土蠻也紅苗寨多人繁爲諸部所畏而黑苗之地險氣悍足與頑頑紅苗厭於黑苗黑苗凶於紅苗故滋事各首逆吳半生吳八月石柳鄧石三保據自供之種類俱皆稱爲黑苗

鎮筵五寨而外苗寨統分十里上六里卽今之永綏廳下四里卽今之乾州廳外更有竿子坪長官司所轄之苗寨數十處鎮筵下千戶東南附近之苗寨數十處苗寨在上六里下四里先爲所官管轄後隸保靖宣慰司其性獷悍土官亦稱壓之而已千戶長官司所轄邊疆內者居多所官土官尙能彈壓之頗知畏法敬官邊疆有事提伐甫及輒爭先投誠其風較十里爲馴也

臘耳山介是黔之間其山自貴州正大營起北分老鳳苗茅猴子諸山東接栗林天星鴨保岑頭諸坡故苗之分爲三廳及松桃銅仁間者往史統謂之臘耳山

臘耳山苗寨落分隸銅仁松桃者爲黔苗分隸乾鳳三廳及永保兩縣者爲楚苗其性情風俗無甚區別

小大亞齊與其貴金

第八配

上海華易堂印行

然苗地在大烏巢河以西及老鳳凰山南松桃河西岸尚多輭坳小嶺不若楚境之亂巖削立幽澗曲蟠處處險峻故苗性亦稍馴偶有不戢示之以威尚易攝伏

生苗各分寨落在松永乾鳳交界地者地勢毗連犬牙相錯有部落無酋長其俗不以人命爲重寨中有父子兄弟數人數十人強梁健鬪或能見官府講客話者則寨中畏之共推爲寨長如寨中再有此一戶一人則又各自爲黨故一寨一長或一寨數長皆以盛衰強弱遞變更易不能如他部之有酋長世受統轄也

苗寨中富民放帳其息甚大錢一千穀一石一二年加息至數倍不能償折以山地衣服各項窮民雖受其盤剝而仰以爲生或卽所折山地轉求佃耕或易以他山地爲之佃耕聽其役使生死惟命率以打冤家無不從者黨與既聚久而包藏禍心者有之逆苗吳八月石三保俱供稱有稻田歲得穀四百多石苗巢中有稻田如許則山坡雜糧所出必有數倍於此者宜其能以財役使窮苗也近降苗有田可耕而累受賞賜苗食漸裕自不能如往時之易爲招集然終不可不於此加意也

豹子場正大營附近苗寨頗有在大途旁開店貿易者黔楚客民販牛經過投宿其家與外間逆旅無異知敬客民薪水以及往宿錢取值甚廉無盤剝客民之習客或早行邀其相送持矛鎗護至數十里遇他寨苗伏草作苗語招號之伏草苗不敢犯如伏草苗不退輒挺矛與鬪名曰護客

銅仁松桃之苗較三廳爲少馴而其間亦有痞苗雜居本寨良苗爲所苦或四五結黨持棍伏暗道中擄取孤單過客貨物此風惟石現穿洞苗時亦有之至雷公山一帶與大寨長沖卡落後洞數十寨阻險爲奸其習俗與楚苗無異然自逆首石柳鄧全黨皆俘遺苗逃歸本寨震驚○○天威不敢更蓄奸謀則亦漸化爲良矣

松桃之長沖卡落折東至新寨亢金東南至黃瓜寨上下西梁蘇麻寨折東至鴨西梁林入鎮草右營所轄鴨保只喇隆喇家大田楊管南上至得勝營北入乾州左營所轄平隆石隴地母勞神鬼猴鬼沖之屬皆黑苗也其地絕險其人絕悍至打郎坡望郎溪狗兒山一帶在平隆鴨保之中則又生苗中之生苗矣蓋鴨保天星強虎岑頭之屬雖係生苗向來設有營汛與客民相習猶有能言客話者諸處爲人迹所不到言語殊離性情乖異生苗間勾結出外滋事而離巢竄遠不能久住若邊牆內出沒之苗非此種類也

乾州高巖河西在天門山中楊孟偉者諸苗寨與永綏相毗連者紅苗也紅苗種類此帶與永綏谷坡曠平馬北鴨保汎排補美巖落及老鳳凰下土空水田溪蘭草坪各處地極險陡苗亦凶悍與左營右營所管黑苗相似但其地與民境差遠中既隔以熱苗外復環以土民不若鎮草右營得勝營西門江隴金塘簞子坪之屬生苗寨落即與民村相連故擾竊之患往時猶不多見云

乾州呂洞山東北至良章營喜龍營馬頸坳一帶苗寨雖係生苗而東北與永保苗毗連東則與六保猛佬各寨爲鄰苗雖悍而土人犍佬力足以禦之故其患視他處爲少輯焉

鳳凰廳烏巢河東岸馬鞍山黃茅坡附近前營所轄司門前太平關釀水沱上下獼猴寨梁頂毛都塘七兜樹兩頭洋等大小百餘寨爲花苗種類地極險惡苗亦獼悍東出則過清溪哨靖疆營各民地南出則通慶家橋永保哨各民地苗毗連中間無甚藩蔽而近在鎮草城上下視左右兩營生苗實居肘腋之間故康熙年間用兵於馬鞍山七兜樹兩頭洋數路俱痛加勦洗而此次大師亦於上下獼猴大小烏巢窮極兵威不遺餘力蓋地險而逼非震以威未能帖然勢之不得不然也

小鳳凰營雞公寨各處與銅仁正大營接界舊爲鎮草中營所轄熟苗土民錯雜居住風俗與黔南相類

卜方苗寨與也發少

卷八

苗風俗考二

一百二十六 南清河王氏刊版

通客話畏官府館軍所轄諸苗此其略則者矣

苗姓吳龍石麻廖五姓爲眞苗其楊施彭張洪諸姓乃外民入贅習其俗久遂成族類

苗民依山結茅屋室苦湫隘間亦有瓦屋者每屋三五間每間五六柱每層次定向亦無窗牖牆垣緣以茅茨檐戶低小出入俯首右設一榻高四五尺中設火爐炊爨坐臥其上曰火牀翁姑子婦兄弟妯娌輩處無避惟夫婦同被女長則別設一牀於右客民宿其家任其雜處不怪牛馬雞犬之屬皆居其下相習莫知其穢夏日男女浴於河婦人見客惟手護其兩乳餘則弗避居無常處室經死人即遷之

苗音鵠舌非翻譯不解其稱天曰各達稱地曰羅稱日曰柰稱月曰喇稱雲曰親呼天晴曰魯內呼天陰曰乍內呼天晚曰茫內呼夜行曰晦際呼風曰箕呼雨曰僂呼雪曰拍呼山則曰補呼上山曰溜補呼路曰能勾呼塘曰各印呼田曰蜡屋亦曰補呼耕田曰鑠喇呼耕地曰鑠落呼瓦屋曰背瓦呼茅屋曰補楚呼木曰果柱呼竹曰木籊呼花曰盆呼大官曰猛貴呼小官曰得官呼兵曰乍金呼民曰果乍呼苗曰果雄呼祖曰阿請呼祖母曰阿娘呼父曰阿巴呼母曰阿米呼伯曰馬龍呼叔曰馬腰呼兄曰阿那呼弟曰得苟呼姊曰阿亞呼妹曰亞苟呼子曰得帶呼女曰得怕呼姑曰阿孟呼姨曰能龍呼外祖曰阿達呼舅曰阿內呼媳曰能呼孫曰苗呼夫曰幫呼妻曰豐呼妻舅曰曉補呼親家曰把截呼朋友曰同年曰呼曰委呼人口鑠呼說話曰破多呼寫字曰身讀呼娶親曰內獸呼嫁女曰張得怕呼有妻曰達內呼葬曰兩內呼祭曰綽凌呼請客曰請內哈呼叩頭曰不備呼頭曰多北呼耳曰果謀呼眼曰合眉呼口曰哈攏呼手曰阿斗呼腳曰果落呼肚曰果體呼髮曰果北呼看見曰乍蒙呼大曰隆呼小曰得呼肥曰脹呼瘦曰瘡呼好曰若內呼醜曰乍內呼哭曰業呼笑曰呪呼立曰鑠呼坐曰重呼臥曰卜夢呼快走曰獸呼慢走曰達呼會水曰阿呼來曰擺呼去曰散呼曰黃牛大躍呼水牛曰大業呼虎曰木瓜呼鳥曰大美呼騎馬

曰藏美呼羊曰大客呼豬曰大把呼雞曰大哈呼狗曰大狗呼魚曰大某呼鵝曰大奴呼鍋曰果碗呼罐
曰果著呼碗曰果折呼瓷曰果灰呼桌曰記擺呼錢曰錢當呼銀曰硬呼銅曰果呼錫曰鷄呼布曰抄呼
籊曰果搭呼背籊曰果的呼鐵曰果撈呼箱曰果補呼鼓曰播僂呼籊曰果鉗呼銃曰噉呼鎗曰寫呼刀
曰果騰呼鎗曰果索呼戥曰聽硬呼稱曰聽度呼鹽曰仇呼油曰刪呼火曰斗呼燭火曰北斗向火曰奴
斗呼冷曰嫩呼熱曰格內呼小米曰槽僂呼大米曰槽奴呼糯米曰槽僂呼柴曰果斗呼喫飯曰攪利呼
喫酒曰飲酒呼茶曰忌呼喫茶曰飲忌呼肉曰牙呼喫肉曰能牙呼喫煙曰飲煙呼被曰特邊呼帽曰果
帽呼衣曰阿呼鞋曰噉呼袴曰鎖可呼一曰哈呼二曰偶呼三曰補呼四曰彼呼五曰罷呼六曰著呼七
曰中呼八曰億呼九曰仇呼十曰個呼百曰阿呼千曰阿采呼萬曰阿萬呼升曰果賞呼斗曰果呼石曰
果斗呼正月曰喇哈呼二月曰喇偶呼三月曰喇補呼四月曰喇彼呼五月曰喇罷呼六月曰喇著呼七
月曰喇中呼八月曰喇億呼九月曰喇仇呼十月曰喇個呼十一月曰喇冬呼十二月曰喇柔呼初一日
哈味喇呼初二日偶昧喇呼初三日補昧喇呼初四日彼昧喇呼初五日羅昧喇呼初六日著昧喇呼初
七日中昧喇呼初八日億昧喇呼初九日仇昧喇呼初十日個昧喇呼過年曰桂前呼東曰勾驪代呼西
曰勾驪莽呼南曰紀中呼北曰紀達呼上曰溜呼下曰落呼高曰率呼低曰亞呼平曰排呼欠債曰斗折
呼還債曰必折呼公道曰苦理呼不公道曰乍騰呼是曰業呼不是曰肘業呼殺人曰打內呼搶奪曰這
忒內呼幫辦曰戮緊呼偷竊曰業內呼人凶曰阿內內窩呼換人解忿曰講歹呼和事不成曰肘跌掌呼
和事之人曰牙郎又曰行人呼主盟之人曰背箭呼防事曰木掌呼不管事曰張掌其命名男子多以老
如老偶老補老彼老罷老鐵老齋老傘老叟老宰之類女子多以阿如阿叟阿中阿帕阿妹阿吉阿金阿
息阿布之類爲名三圖中相距稍遠者其言語亦多不同不能盡譯也

苗民不知文字父子遞傳以鼠牛虎馬記年月暗與歷書合有所控告者必倩土人代書性善記懼有忘則結於繩爲契券刻木以爲信太古之意猶存近設苗學間亦有知命童子入學日負雜糧數升就師傳授句讀默記而歸其中亦甚有聰俊者因所曉而逐爲解說久則漸通曉文義賢有司善育而時教之文風著而苗習自無不改者矣

苗耕男婦並作山多於山宜穀者少燔榛蕪墾山坡種芝蔴粟米麥豆包穀高粱蕎麥諸雜糧既種三四年則棄地而別墾以墾熟者磽瘠故也棄之數年地力既復則仍墾之腰背負籠出入必具其籠以竹爲之旁有兩繩貫於兩肩秋成以獲雜糧平時以負柴薪負重致遠則先用背扛以木板爲之形如半柳置於項後著於肩貫繩以繫於首然後背籠負物肩與首並用其力婦女亦知飼蠶惟不曉育種春間俟民間蠶出結伴負籠以貨物易之育成上簇成繭抽絲染色製爲裙被之屬作間道方勝雜文第不如永順保靖峒錦作鸛鳳花鳥之更工緻也績芒織布皆能其機矮席地而織布亦堅厚耐久耕織之外惟事牧畜牛馬犬羊豕貓雞鴨之類最多而所重牛所竊亦惟牛然不任耕種供口腹資貿易而已

苗工所需農具有犁耙鋤鎌長柄刀斧籬筐背籠背枷桔槔筒車織具有機梭紡車蠶筐食具有鼎鍋釜鐵碗箸杓盂服具有項圈手釧網巾衣服器用有升斗戥秤剪刀鐵錐尺梳櫛篦磨羅器械具有火鎗桿子環刀弓弩兜鍪皮甲樂具有鑼鼓號頭簫笙笛角腰鼓鐃鼓之屬皆自爲之能通其用日用常具多不足今則市可得而易矣

苗民入市與民交易驅牛馬負土物如雜糧布絹諸類以趨集場糧以四小碗爲一升布以兩手一度爲四尺牛馬以拳數多寡定價值不任老少其法將竹篾箍牛前肋定其寬闊然後以拳量竹篾水牛至十六拳爲大黃牛至十三拳爲大名曰拳牛買馬亦論老少以木棍比至放鞍處從地數起高至十三拳者

爲大齒小拿多價差昂反是者爲劣統曰比馬屆期畢至易鹽易蠶種易器具以通有無初納質直今則操權衡較錙銖甚於編氓矣與親黨權子母以牛計息利上加利歲長一拿至八拿則成大牛至數十年卽積數十百倍有終身莫能楚者往往以此生絆離父兄子弟叔伯甥舅見利則爭且有愛重賄而相賈爭財產而相殺者惟在司牧者善導之耳

桂梅庚衡志言苗中兒始能行燒鐵石烙其跟蹠使頑木不仁故能履棘茨根枿不傷兒長大煉鋼以爲刀終身用之試刀必仰刃牛項下以肩負之一負卽殊者良刀也弩名偏架以一足蹠張背手傳矢往往命中槍名桿長二丈餘用以護弩戰則一弩一槍相將而前執弩者口銜刀而手射人敵或盲刃迫之槍無所施弩人釋弩取口中刀奮擊以救度險整其行列退去必有弩士軍弓矢輩與之角技藝爭地利往往不能決勝云今其各足煉刀用桿與往時無異至其爭勝者則在鳥鎗不恃弩也間有用弩則合百蟲毒傳其矢頭中人亦必立斃弩遲而鳥鎗捷弩或伏張小路旁以守不取以鬪也

苗人鳥鎗製作極精將鐵筒車數次打磨光溜俾子出無滯子堂引門俱有法度礮硝山礮處處皆產用爆木灰和之其煙白易然見煙則子已到能遠及數十丈之外遇敵必先擇土坎巖窠伏身暗中放鎗以擊敵放鎗後卽從叢草中退十餘步潛避他所以防反擊之者土蠻狍佬之屬與之打仗藏身之法相同而放鎗必審草莽動處打之名曰捕草輒能擊中故土佬爲苗所畏云

苗人於鳥鎗之外又有打石一技其技亦重而習之無事則聚聚指打某樹某枝中者爲能透石槌而有

力能於數十丈外取空中飛鳥故當接鬪之時子藥已盡卽拾石擊人其傷亦重

苗性剛直輕生好鬪睚眦之隙動輒捉人糾黨伏善莽中曰伏草設計伏於要隘中曰妝塘有頭塘二塘三塘之說令一人登高以望敵曰登高伺彼衆人過盡羣起劫擊或一人或二三人反縛其手驅之入寨

不從者脅之以刃雖絕無干涉者亦波及之名曰捉黑抵白至寨以數尺之木歧其末穿孔於後枷之曰確馬枷勒財物贖之足而後反非排解得宜則讐仇不已或強弱勢懸則植木爲誌累世必報讐云毋苗仇世不休力勢既均遂釀酒椎牛邀集親黨執械穴關名打冤家親朋或數十百偕至告以故飲食畢卽許以捐驅謂之帶兵兩兵相望先放火鎗苗婦隨後接鎗注藥放鎗後各舞長桿槍以進不勝則更拔短刀相接又不勝則匕首紐抱相截官弁遇之婉轉調勸始散其被傷死者卽行掩埋不以告官官知而往驗亦不告以葬所兩家戰鬪之後計屍以相抵除一命一抵外多屍者爲人命則索牛馬財物以償謂之倒骨價其價則視兇手之貧富以爲差富者自三百三十兩至五十五兩止貧者從四十四兩減至二十兩止其中老牛瘦馬破衣舊物俱可抵算蓋緣苗人重財物輕性命其主盟之人曰背箭相虛之人曰牙郎又曰行人官斯土者不依苗俗必欲抵償則殺一人卽添一仇死者之子若孫植樹墓旁以記其恨轉相仇殺滋蔓無已矣

苗人糾結出外攫竊遇官兵擲勇截擊有中斃者非大隊圍攔則同來夥隊必倒負其屍而逸故苗中首虜最難得也然眾本烏合性多疑忌凡接開時有當先喊吶跳躍之人如被敵人擊倒則在後羣苗必曰今日鬼不利紛紛息戰散矣又最頑鈍無恥稍強則率眾跳梁勢窮則稽首乞命自來撻伐甫加飄粉粉乞降及大軍一撤又蹈故轍此其鬼蜮之心最耳防範也

生苗至村也。蕭蕭和野菜小米之類作糲人懷數枚苗婦負背箬隨其後或黑夜至村落乘不備吶喊放火居民驚散生苗分截其路苗婦入人家中搶擄什物先走得豬雞用柴火連毛燻之生血滴淋分扯以噉若村壁隙墜以待野無所掠所擄米糲不過足供二三頓食畢不能久逗留矣故諺曰苗人離窠不能踰百里攻城不能過三日

古時蠻中名渠帥曰精夫相呼曰缺徒今皆無是稱也其尊者只寨長否則曰頭人遇有征討之役必控斷徑路或搬藏洞屋高山深箐一望茫迷竟無從搜捕然苗寨本無蓄藏如遇大兵扼要以守時以偏師擾其耕種糧糗既盡自然坐困苗民舊語曰不怕官府兵多只怕官府糧多苗情既諳控制自易

苗人衣服俱阜黑布爲之上下如一其衣常用紅者爲紅苗纏腳并用黑布者爲黑苗纏腳用青布白布者爲青苗白苗衣褶繡花卽纏腳亦用之者爲花苗考三廳各誌統謂之紅苗而查近日文案則多曰黑苗良以苗衣深黑處處皆然而用紅帶花帶纏腰白布青布纏腳不過其老寨舊習相沿不改其實今日之黑苗卽往日之紅苗非三廳於紅苗之外又添一黑苗種類也

苗人飲巖漿水性寒能解胎毒無痘疹之患其苗女鬻外境者服內地水土雖年已三四十歲往往反有痘症生嬰無不舉育無邊民溺女之習不重人道野合弗禁婚娶簡便稍有財貲輒娶婦數人故其滋息極易雖屢經辟伐草薶禽獮而山洞遺種不數十年又復遍滿林谷號之曰苗或亦易生之義歟

苗俗年節無拜賀元日亦如常日近亦間有效漢俗者初二三日以雞毛紫爲燕男婦執板拋擊爲樂初五以後卽事耕作

苗食日常兩餐春夏始三餐以粟米包穀諸雜糧爲飯渴飲溪水生啖蔬菜石螺得魚爲貴得鹽寶之各以一撮置掌中舐之以爲美近日均相貿易鹽始達於這寨畜肉用火燎去毛烹而食之不知五味客至或煮豆飯湯以示敬

苗服惟素長雜髮餘皆裹頭椎髻去髭鬚短衣跣足著青布衫間用黑布袴腰繫紅布領亦尙紅衣過邊俱繡綵花於邊富者以網巾束髮貫以銀簪四五枝腦後戴二銀圈左耳貫銀環如盈大項圍銀圈手帶銀釧衣服繫錫皮纏青布行膝足臄厚如獸腦能履枿根趨青芥捷如猿猱其婦女銀簪項圈手釧行膝小方壺簪風也叢沙

卷八

苗風俗考五

一百二十九 南清河王氏體服

皆如男子惟兩耳貫銀環三四五不等以多誇富衣較男子微長斜頭直下用錫片紅絨或繡花卉爲飾頭帶銀梳以銀絲密繞其髻裏以青繡帕腰下繫帶下不著裏衣以布棉爲裙而青紅間道繡團花爲飾亦有繫錫鈴繡絨花者或重穿三四幅苗女未嫁者額髮中分結辮垂後以銅鈴海蛇藥珠爲飾深冬嚴寒三兩重單衣不衣絮綿僅僅彳亍風雨中貧富如一

苗中以做鬼爲重事或一年三次一次費至百金或數十金貧無力者賣產買衣爲之此習爲苗中最耗財之事亦苗中致窮之一端也近日革去此俗苗中稱便

苗中其水旱疾疫亦知卜筮曰拋木卦剖木爲二擲之於地視其仰覆向背曰鈞梳卦以綫懸梳而視其所向曰雞蛋卦以雞蛋置器中向日呪之呪畢卵定以煤塗誌其左右熟而分以綫視黃白之厚薄曰著雞卦持雞於野插五色紙旗於地撓以稽錢擊竹筒禱之然後烹雞取兩脰以竹筴測骨孔之淺深其吉凶休咎率卜於是數者凡病必曰有鬼延巫祈禱釀酒酬牲約親鄰飲福名曰做鬼既祭不愈則委之於命祭後插標於門若不知而誤入其門謂驚其鬼必償其所費復祭如前而後已其愚大都如此

苗祭五月逢子寅午日專祭祖先先月將牛馬雞犬諸畜用木關其足不能飛走藏置幽僻之所既祭畢家老幼避入山洞名曰躲鬼是日不舉火不飲食道路相遇不偶語盜賊攫物不敢問夜臥不敢轉側蚊蚋嘬其膚不敢觸懼鬼覺也小暑節前辰巳兩日爲禁日祀天王或呼白帝天王禁屠沽止釣獵不衣赤不作樂開禁獻牲後方如常日偶遇冤憤不能白必告諸天王廟設誓刺指血滴酒中飲以盟心謂之喫血既三日必宰牲酬願謂之悔罪做鬼其入廟則膝行股慄莫敢仰視理屈者逡巡不敢飲悔罪而罷其誓詞曰汝若冤我我大發大旺我若冤汝我九死九絕猶云福及子孫也事無大小喫血後則必無悔有司不能直者命以喫血則懼蓋苗人畏鬼甚於法也每農事畢十月十一月饒裕者獨爲之或通黍餽饋

爲之預結棚於寨外先一日殺牛倩苗巫衣長衣手搖銅鈴吹竹筒名做米鬼次日宰母豬吹竹筒請神名做雷鬼第三日宰雄豬祭享名做總鬼第四日設酒肉各五碗米餅十二枚置火牀上燒黃蠟暨竹筒祀祖名報家先然後集親鄰族友男女老少長畢至鳴鑼鼓放銃請牛鬼第五日棚左右各置一椿繫黑白二牛各一先讓極尊之親揖四方畢用槍以刺餘以序進一人持水隨潑血不淋於地牛既仆視其首之所向以下休咎首向其室則歡笑相慶以鬼來歆也否則眾皆愀然不樂主人惶悚無地以鬼不如將降不祥也苗巫鳴鑼誦祝眾隨鼓鳴金吹角燒柴以祭祭畢以一肩遺先刺者胸膺遺巫後肩分親黨餘肉及臟腑烹食之又別割一牲火燎毛以烹之名火燐肉置牛首於棚前割長木空其中冒皮其端以爲鼓使婦女之美者跳而擊之擇男女善歌者皆衣優伶五綵衣或披紅氍毹戴折角巾簪五色紙兩條垂於背男左女右旋繞而歌迭相唱和舉首頓足疾徐應節名曰跳鼓藏或有以能歌鬪勝負者男子出袖絹女子出簪環以爲綵結隊對歌徹夜不休以爭勝負勝者收取其綵不善歌者不入隊所歌皆本其土風或淫褻語歌已雜坐牛飲歡飽譁浪甚至乘夜相悅而爲桑中濮上之行雖知亦不禁名曰放野蕋樂甚則流無禮以節之也

苗人無同姓不婚之嫌然屬親族亦不相配完婚日新婦與母同宿必壻餽婦母銀始去名曰娘錢亦曰乳錢大約不過三兩富厚之家見他苗有女美者令其子牽其背名曰搶親女家亦利其有不更許人既亦通媒妁議財禮其處女與人通者父母知而不禁反以爲人愛其美若犯其妻妾則舉刃相向必得錢折贖而後已夫婦不相得則夫棄其妻而別娶妻棄其夫而別通至上下奸淫舊亦僅見近則漸知重倫紀矣

苗知養馬馬騰躍山谷中賁小而健民所產不及近三廳各寨亦知畜之富者或畜至十餘匹轉賣於外

不以騎也間有騎者亦無鞍韉轡之飾自投誠以來設以苗弁往來聽事鎮城中錦綉錫鐙煥然可觀矣

苗民於山谷中有泥深不可耕植者澗水爲塘市外間魚秧蓄之多鯢鰱二種鰱俗名草魚稱爲家魚鯉鰕鮒

鰕之屬則謂之野魚富者雇苗童數人日割草以飼有蓋至數十斤者又溪水新漲後河魚間亦汴流而上苗境中產有扒山骨土狗子黃刺魚各種苗民時摘竹箬競取男婦嘈雜喧山谷

苗地人眾砍樹木以供薪火亦不能有古木千章溪旁石罅多小白毛竹叢生膠葛倍形深險

苗中四時氣候與內地迥異嘗有黑霧彌漫旱午始稍開朗當濛濛之時人畜對面不相見寸趾難移春夏霖雨連綿兼旬累月常泥滓難行雨勢甫霽蒸淫之氣侵人肌骨其泉爲山洞巖漿性極寒冽飲之敗

胃水土惡劣外人居其間常生瘡痍馬伏波所云嗟哉武溪兮多毒淫是也秋冬霜雪早降窮谷幽巖積至數月不化時下冰凌屋溜凍結自茅檐至地其大如椽苗人用木撞開方可出入上六里尤甚禽鳥辟

寒從不一至自開闢日久苗人羣蒸向化陰雨漸開冰凍漸少鳥鵲亦聞棲林谷中矣以上三苗

永保土人之地軍閫復嶺陡壁懸崖接壤諸峒又連漢地苗土雜居男女垂髻短衣跣足以布勒頭喜斑

綢色服重耕農男女合作喜漁獵食殭信鬼巫病則無醫惟椎牛羊師巫擊鼓鈴卜竹筮以祀鬼言語侏

儻不識文字凡有誓約以刀畫竹數道爲券婚娶同姓不禁以牛布五穀爲聘娶所居必擇高峻履險陟

嶺捷足如飛運帶食物以背駝之約繩於膊僂僂而行恆帶弓弩長槍自歸流蒸陶○○雅化賣刀買糧

鮮往時鬪狠之習矣

土民雖輕生好鬪而樸拙直多淫祀所奉之神梅山雲霄諸名爲民地所不知每歲三月殺白羊擊鼓

吹笙以祀鬼四月十八七月十五夜祀祖九月九日合祭宰牲祀重陽以報土功十二月二十八日夜祀

祖名曰祭鬼禁聞貓犬聲稼穡而外不事商賈本寨數十里之外輒爲足迹所不至稀至城市賦歛至輕每託保正甲長爭先輸納男耕女織不事奢華頗有古風云

土人刀耕火種日食雜糧所種以小米糠子爲主稻穀多仰給永定衛太廟所兩處山沖中頗有水田不甚種稻穀即種亦不知耕耨近日司牧者教之耕耘輒欣然聽信子弟資質亦秀敏之讀書其聰穎不遜漢人又知畏敬官長遇官府至村落咸羅拜於馬下送茶及酒盤盛熟雞子跪而獻之稍爲飲食乃喜或有事傳呼及期而至無漢人狡詐之事亦無苗寨悍惡之風其醇厚易治非內地所能及也

土俗各寨有擺手堂每歲正月初三至初五六之夜鳴鑼擊鼓男女聚集搖擺發喊名曰擺手蓋祓除不祥也

土人言語呢喃難辨近開闢漸久能道官音者十有五六其方語稱天曰墨地曰理土亦曰理人曰那日曰曉月曰舒舒雲曰麥浪翁霧曰所帕風曰熟暑大雨曰墨者細雨曰墨者喧下雪曰舒舒者大山曰卡斜小山曰卡斜鼻水曰轍河曰受路曰喇池曰熊節田曰細列格火曰米燒水曰米那嚴曰什體各落哄火曰土烏熱曰古冷曰撒樹曰卡木柴曰卡物竹曰猛花曰卡帕喫酒曰喇兒坐曰猛背官曰夸民曰馬那祖曰布帕祖母曰帕八父曰阿把母曰阿捏伯曰阿取伯娘曰捏取叔曰阿卑嬌娘曰阿蟻兄曰阿科弟曰阿米姊曰阿大妹亦曰阿米子曰必娘曰帕女曰必物外祖曰卡公外祖母曰卡布夫曰那把妻曰那假力閨女曰補遂作揖曰截咱叩頭曰卡打背頭曰卡打眼曰落布眉曰落布須加鼻曰養起面曰骨口曰哲齒曰是是舌曰亦臘鬚曰喇帕耳曰鑿切手曰潔掌曰緊裹皮膺曰歷科沖肚曰阿拱足曰騎好看曰察裏家融曰笑臘笑曰捏哭曰齊水牛曰苑黃牛曰坳坳馬仍曰馬羊曰弱豬曰止狗曰哈裏虎曰力猴曰額雞曰匪魚曰送鴨曰撒鴨曰壓碗曰切背杯曰切背背箸曰補止鍋曰踏枯桌曰席簪椅曰科

椅寬曰尖及一日騰雙二曰捏雙三曰梭雙四曰惹雙五曰五雙六曰鷄雙七曰泥雙八曰節雙九曰格
雙十曰器雙一百曰那日屋鐵金曰務可銀曰我銅仍曰銅錢曰寫鑄曰言鹽曰服布油曰設是醋曰奚
扯穀曰力布米曰哲肉曰實帽曰毛衣曰西八袴曰枯被曰夕納鞋曰戲歇襪仍曰襪扣子曰西八布擲
帶子曰麥肉臘欠債曰挖書曰赤讀書曰赤禿寫字曰赤赤鴨活曰報跛大死曰敕胡說話曰煞力相打
曰打倍青曰浪夾藍曰信夾紅曰米納節黃仍曰黃白曰阿使緣仍曰緣不知曰哈太睡曰列起曰佳
水順各鄉在土司時爲五十八旗曰辰利東西南北雄將能精銳愛先鋒左韜德茂親勳策右略靈通鎮
藍心武敵兩星飛義馬標衝水戰湧祥龍英長虎豹嘉威捷福慶凱旋智勝功以七字爲句每一字一旗
共五十六字爲五十六旗後添設請謀二字共爲五十八旗此外更有戎服鑲苗米房吹鼓手六旗伴當
七旗長川旗散人旗總管旗旗各有長管轄戶口分隸於各州司而統屬於總司有事則調集爲軍以備
戰鬪無事則散處爲民以習耕鑿今割南北兩旗之地歸桑植將辰東雄將銳愛鎮武標戰龍威各旗之
半并先鋒韜茂策通藍飛馬勇祥虎捷慶旋勝等旗歸龍山其在永境者則辰東雄將銳愛略鎮武標戰
龍威各旗之半并西能精德勳靈忠敵星義衝水英長豹凱智功各旗也又福字一旗則係官土家族散
處各鄉今分屬水龍兩邑

保靖土司舊設虎豹廣智謀勇威驅彪勝親利飛長先鎮共十六鎮共十六旗統其居民歸流之後虎旗
爲一都約旗改爲二都廣旗改爲三都智旗改爲四都謀旗改爲五都勇旗改爲六都威旗改爲七都驅
旗改爲八都彪旗改爲九都勝旗改爲十都親旗改爲十一都利旗改爲十二都飛旗改爲十三都長旗
改爲十四都先旗改爲十五都鎮旗改爲十六都改後諸旗悉照內地里甲編定而相沿已久至今居民
相稱猶有語某人爲某旗者

永保土人耐勞習險勁勇善鬪沿邊苗寨俱供役使卽上下十里及鎮軍生苗時亦分段令永保兩宜慰撫承故苗雖賸悍於土家不敢輕犯自宋元以來有事苗疆土官無役不從搜山焚薺輒用土兵當先蓋亦以夷制夷之意云

永順土司地廣於保靖歸流時設永順龍山兩縣保靖雖幅員稍狹而地險兵勁足與永順相抗往常弄兵穴鬪又嘗與永順爭管上六里苗寨有司以保靖距苗寨近常令屬焉故保靖沿邊之苗較永順爲多而其風亦爲稍悍

永順之功全冲正西英田家羅衣算保保之四都五都六七八等都多爲苗人寨落爲土官招徠安插使之捍禦以備藩籬者畏法敬官非連界各紅苗桀驁難馴者可比然本從三廳遷入風氣勁悍心貪多疑蓄髮不薙出入常帶刀銃則與三廳不甚相遠也

永保苗人與永綏乾州毗連各寨去縣治絕遠者係生苗其去保靖縣治與古丈坪稍近如哄哄寨之屬則雖係苗種落沾化日久別號曰土蠻邊微有事頗得其力征苗時誘擒首逆石三保等俱土蠻潛報官軍擒捕至其好祀青草鬼忌帶青草入室剖竹爲契血誓爲信則蠻苗固無區別也

蠻苗衣服多用藍染黑猶水土蠻男婦人等頭上皆包白布燕會往來習以爲常又松銅之間有一種苗人服飾頗潔喜穿白布衫裙嫁慶賀皆服之以爲美觀苗疆中有白蠻其殆此種歟往時保靖知縣王欽命嘗嚴示曉諭孝服之外概不許用然習俗相沿終不能禁

以上永保土人

瀘溪仡佬居上五都之大章小章大西老煙竹坪下五都六保之洞庭山等寨及乾州之下溪口鐵枕巖把布把金上下百戶各寨共計寨落百數十處其民非苗非土蓋別爲一種類也張姓人極眾符姓次之其他覃楊謝劉各姓皆零星雜住相傳宋時有江西章姓兄弟二人爲屯長居此落葉子孫繁衍其出自